

MALAYSIA
DEWAN RAKYAT
ATURAN URUSAN MESYUARAT

NASKHAH SAHIH/BAHASA MALAYSIA

<http://www.parlimen.gov.my>

HARI SELASA, 25 NOVEMBER 2014, PUKUL 10.00 PAGI

Bil. 54

PERTANYAAN-PERTANYAAN BAGI JAWAB LISAN

1. PR-1323-L64356
Datuk Ahmad Jazlan bin Yaakub [Machang] minta **MENTERI PENGANGKUTAN** menyatakan adakah Kementerian bercadang untuk menaik taraf Lapangan Terbang Sultan Ismail Petra dan membesarkan landasannya menjadi Lapangan Terbang Antarabangsa.
2. PR-1323-L64396
Puan Nurul Izzah binti Anwar [Lembah Pantai] minta **MENTERI KEWANGAN** menyatakan :-
 - (a) jumlah aset dan liabiliti bagi kesemua syarikat berkait kerajaan (GLC) termasuk Sarawak Economic Development Corporation (SEDC); dan
 - (b) jumlah pendapatan (ROI) termasuk bayaran cukai pendapatan daripada syarikat-syarikat ini daripada tahun 2000 hingga 2013.
3. PR-1323-L65175
Dato' Wira Mohd Johari bin Baharom [Kubang Pasu] minta **PERDANA MENTERI** menyatakan GTP (2009) apakah telah membantu Kerajaan di dalam memperkemas dan memperkukuhkan sektor perkhidmatan awam terutamanya dalam mengenalpasti perlantikan KSU-KSU di pelbagai Kementerian yang benar-benar mampu menerajuinya tanpa melibatkan campurtangan politik menteri-menteri di Kementerian-Kementerian berkaitan. Selain itu apakah Kerajaan telah mewujudkan pemantau untuk kementerian-kementerian berkenaan di kalangan mereka yang berkemahiran bagi memberikan *rating* prestasi kementerian-kementerian. Jika ya, sebutkan nama-nama mereka yang terlibat.
4. PR-1323-L63534
Dato' Dr. Nik Mazlan bin Nik Mohamad [Pasir Puteh] minta **MENTERI SUMBER MANUSIA** menyatakan bagaimana Kementerian ini boleh berlaku adil kepada 85,000 lepasan siswazah yang telah memohon pekerjaan melalui *on-line* pada 6 September 2014 berbanding dengan keperluan kepada jawatan kosong yang ada.

5. PR-1323-L63820
Datuk Liang Teck Meng [Simpang Renggam] minta **MENTERI PERDAGANGAN ANTARABANGSA DAN INDUSTRI** menyatakan apakah kesan atau impak Laporan Daya Saing Global 2014-2015 kepada Malaysia, memandangkan laporan tersebut menjelaskan bahawa kedudukan Malaysia yang telah melompat 4 anak tangga dari tangga 24 kepada tangga 20 dan telah mendahului negara-negara maju seperti Austria, Australia, Perancis dan Korea Selatan.
6. PR-1323-L64029
Tuan Zairil Khir Johari [Bukit Bendera] minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan sama ada kajian telah dibuat mengenai penggunaan kaedah uji upaya atau *means-testing* bagi subsidi petrol, dan jika ya, apakah perincian kajian tersebut, termasuk kos dan jururunding yang dilantik.
7. PR-1323-L63986
Datuk Zahidi bin Zainul Abidin [Padang Besar] minta **PERDANA MENTERI** menyatakan bilakah pelaksanaan Polis Syariah akan dimulakan bagi memastikan proses sokongan pelaksanaan perundangan Syariah negara ini dapat dipertingkatkan lagi selari dengan hasrat rakyat dan komitmen Kerajaan Persekutuan.
8. PR-1323-L64327
Dr. Haji Izani bin Haji Husin [Pengkalan Chepa] minta **MENTERI KESIHATAN** menyatakan adakah Kerajaan bercadang untuk memindahkan Hospital Raja Perempuan Zainab II ke tempat yang lebih strategik di mana ia mengambil kira keluasan ruang dan juga keselesaan pelanggan.
9. PR-1323-L65298
Dato' Ir. Haji Nawawi bin Ahmad [Langkawi] minta **MENTERI DALAM NEGERI** menyatakan apakah tindakan yang diambil oleh Kerajaan untuk memberikan taraf kewarganegaraan Malaysia kepada lebih dari 600 warga asing yang telah berkahwin dengan penduduk tetap Langkawi yang mana ada sesetengah perkahwinan mereka menjangkau lebih daripada 20 tahun walaupun permohonan telah dibuat, pihak Kementerian menyatakan masih dalam proses.
10. PR-1323-L63555
Tuan Idris bin Haji Ahmad [Bukit Gantang] minta **PERDANA MENTERI** menyatakan berapakah peruntukan yang dibelanjakan oleh Majlis Agama Islam Wilayah Persekutuan pada tahun 2005 hingga 2013 hasil daripada kutipan zakat untuk membangunkan sektor hartanah di sekitar Wilayah Persekutuan dalam usaha untuk membantu orang miskin yang tidak ada rumah.
11. PR-1323-L63502
Tuan Khoo Soo Seang [Tebrau] minta **MENTERI PENDIDIKAN** menyatakan langkah-langkah yang akan diambil untuk meningkatkan prestasi VLE (*Virtual Learning Environment*) serta mengatasi masalah-masalah teknikal yang menjejaskan penggunaannya terutama sekali di kawasan luar bandar yang mana ada keluarga-keluarga yang tiada kemudahan komputer, kekurangan kemahiran komputer dan kelajuan *broadband* yang amat kurang memuaskan.

12. PR-1323-L63987
Tuan Lim Guan Eng [Bagan] minta **MENTERI SAINS, TEKNOLOGI DAN INOVASI** menyatakan sama ada pihaknya meluluskan permohonan lesen operasi tetap Lynas ekoran krisis kewangan syarikat tersebut dan ketidakpatuhan kepada syarat ditetapkan dalam lesen operasi sementara. Adakah perancangan membina dua lagi loji janakuasa tenaga nuklear diteruskan. Sekiranya ya, dimana lokasi dan kosnya.
13. PR-1323-L63668
Tuan Che Mohamad Zulkifly bin Jusoh [Setiu] minta **PERDANA MENTERI** menyatakan adakah Kerajaan bercadang untuk mengkaji semula prosedur dalam pengagihan bantuan zakat di samping meningkatkan jumlah bagi setiap jenis bantuan serta menyelaraskan prosedur tersebut ke seluruh negara bagi membolehkan golongan yang kurang bernasib baik dibela sewajarnya.
14. PR-1323-L64196
Dr. Michael Jeyakumar Devaraj [Sungai Siput] minta **MENTERI KEMAJUAN LUAR BANDAR DAN WILAYAH** menyatakan sama ada Kerajaan bercadang mengubahsuai Akta 134 - Akta Orang Asli 1954 untuk mewujudkan kategori pemilikan tanah yang membolehkan sesebuah kampung Orang Asli memiliki satu kawasan tanah secara kolektif.
15. PR-1323-L64089
Dato' Seri Reezal Merican bin Naina Merican [Kepala Batas] minta **MENTERI PERDAGANGAN ANTARABANGSA DAN INDUSTRI** menyatakan tentang kesediaan Malaysia menempuh suasana ekonomi berteraskan Asean Economic Community (AEC). Apakah ada kajian menyeluruh dibuat mengenai tahap kesediaan Malaysia sebagai negara; mahupun kemampuan industri strategik kita berdepan dengan kerangka ekonomi serantau ini.
16. PR-1323-L64949
Tuan Chong Chieng Jen [Bandar Kuching] minta **MENTERI DALAM NEGERI** menyatakan apa sebabnya kegiatan perjudian internet (atau perjudian mesin kuda) masih berleluasa di Sarawak. Apakah langkah-langkah yang telah diambil oleh pihak Polis untuk memerangi kegiatan tersebut dan apa sebabnya langkah-langkah itu tidak berkesan.
17. PR-1323-L63935
Datuk Raime bin Unggi [Tenom] minta **MENTERI KEMAJUAN LUAR BANDAR DAN WILAYAH** menyatakan jumlah usahawan Bumiputra di Sabah yang terkesan dengan bantuan Majlis Amanah Rakyat (Mara) selama ini terutama dalam bidang Perusahaan Kecil dan Sederhana (PKS).

18. PR-1323-L64705
Tuan Chua Tian Chang @ Tian Chua [Batu] minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan apakah langkah-langkah yang diambil Kementerian untuk meninjau harga makanan di sekitar Kuala Lumpur. Berapa kerap pemeriksaan dijalankan dalam satu tahun. Berapa ramai kedai ditangkap atas kesalahan sengaja meninggikan harga dan adakah tindakan undang-undang telah diambil.
19. PR-1323-L64137
Dato' Haji Irmohizam bin Haji Ibrahim [Kuala Selangor] minta **MENTERI PENDIDIKAN** menyatakan :-
- (a) sejauh manakah sistem pentaksiran berasaskan sekolah dapat membantu pencapaian keberhasilan utama seperti yang digariskan dalam PPPM 2013-2025 iaitu pencapaian Malaysia pada kedudukan negara sepertiga teratas dalam Trend Pendidikan Matematik dan Sains Antarabangsa (TIMSS) dan Program Pentaksiran Murid Antarabangsa (PISA); dan
 - (b) sejauh manakah kebocoran kertas peperiksaan UPSR boleh menjejaskan sistem pendidikan negara.
20. PR-1323-L64592
Tuan Wong Chen [Kelana Jaya] minta **MENTERI KEWANGAN** menyatakan :-
- (a) daripada 6,000 pekerja yang bakal hilang kerja dalam cadangan penstrukturan semula Penerbangan Malaysia (MAS), apakah peratusan orang yang terdiri daripada pekerja pengurusan pertengahan dan pengurusan atasan; dan
 - (b) berapakah jumlah pengarah yang bakal hilang kerja dalam penstrukturan semula MAS.
21. PR-1323-L64249
Dato' Noraini binti Ahmad [Parit Sulong] minta **PERDANA MENTERI** menyatakan pencapaian program-program yang dilaksanakan oleh Talent Corp sehingga kini dan bagaimana ia telah menyumbang kepada pembangunan modal insan tempatan dan ukuran sumbangannya kepada pembangunan ekonomi negara secara keseluruhan.
22. PR-1323-L64803
Dr. Michael Teo Yu Keng [Miri] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan :-
- (a) apakah langkah-langkah penyelesaian masalah setinggan di Bandaraya Miri di mana keadaan rumah setinggan adalah usang lagi mudah dimusnahkan dan atap rumahnya akan berterbangan apabila ditiup oleh angin pada musim hujan. Tambahan pula dengan keadaan yang tiada bekalan air dan elektrik dibekalkan; dan

- (b) langkah diambil untuk memastikan golongan sasar seperti setinggan mendapat fokus utama Kementerian apabila perancangan pembinaan rumah mampu milik dilaksanakan.
23. PR-1323-L65252
Tan Sri Datuk Seri Panglima Joseph Pairin Kitingan [Keningau] minta **MENTERI KEWANGAN** menyatakan penjelasan lanjut mengenai cadangan penggunaan atau pelaburan wang Kerajaan sebanyak RM6 bilion untuk menyelamatkan Syarikat Penerbangan Malaysia (MAS) dan apakah langkah-langkah yang sedang diambil untuk memastikan pelaburan yang begitu besar, selamat dan akan menghasilkan pulangan yang diharapkan.
24. PR-1323-L63303
Puan Siti Zailah binti Mohd Yusoff [Rantau Panjang] minta **MENTERI PENGANGKUTAN** menyatakan kerugian yang ditanggung terhadap tragedi MH370 dan MH17 dan apakah langkah jangka pendek dan jangka panjang untuk memulihkan imej dan prestasi MAS masa depan.
25. PR-1323-L64841
Tuan Anuar bin Abd. Manap [Sekijang] minta **MENTERI PERTAHANAN** menyatakan :-
- (a) apakah LIMA 2015 akan mempunyai keunikan yang tersendiri lain daripada yang lain; dan
- (b) bagaimana LIMA 2015 dapat menyumbang perkembangan industri pertahanan negara.
26. PR-1323-L63873
Dato' Ngeh Koo Ham [Beruas] minta **MENTERI DALAM NEGERI** menyatakan berapakah anggota polis di Pulau Pangkor dan juga di Daerah Manjung, Perak yang telah ditangkap atau diambil tindakan tatatertib kerana mengedar dadah atau terlibat dalam penyalahgunaan dadah dalam tahun 2011, 2012, 2013 dan 2014.
27. PR-1323-L63564
Datuk Noor Ehsanuddin bin Mohd Harun Narrashid [Kota Tinggi] minta **MENTERI TENAGA, TEKNOLOGI HIJAU DAN AIR** menyatakan adakah Kementerian mempunyai pelan jangka panjang untuk membina beberapa alternatif selain teknologi sedia ada bagi mengatasi kekurangan bekalan air pada masa hadapan.
28. PR-1323-L63891
Ust. Dato' Dr. Mohd. Khairuddin bin Aman Razali [Kuala Nerus] minta **MENTERI PERTANIAN DAN INDUSTRI ASAS TANI** menyatakan jumlah anggaran sebenar keperluan bekalan ikan setahun kepada negara.

29. PR-1323-L63454
Datuk Jumat bin Idris [Sepanggar] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan berikutan masalah kesesakan lalu lintas yang tidak terkawal dan semakin teruk di kawasan Sepanggar, apakah Kementerian mempunyai pelan strategik untuk mengatasi masalah ini.
30. PR-1323-L64458
Datuk Mohd Idris bin Jusi [Batu Pahat] minta **MENTERI SUMBER ASLI DAN ALAM SEKITAR** menyatakan langkah-langkah untuk mengatasi banjir kilat di Batu Pahat yang telah berlaku sejak 20 tahun dahulu dan menurut penduduk setempat semakin teruk dalam 10 tahun kebelakangan. Apakah bentuk bantuan yang ada dan akan disediakan kepada mangsa banjir kilat bagi menangani kerugian dan kesusahan.
31. PR-1323-L63313
Dato' Wira Othman bin Abdul [Pendang] minta **MENTERI DALAM NEGERI** menyatakan apakah pihak polis telah menyiasat dan mengambil tindakan terhadap DSP Ravindran Kutty Krishnan dari IPK Selangor yang memaki, mencaci, meludah dan mencabar bertumbuk dengan ASP Ahmad b. Mat Nor seperti yang tersebar dalam media sosial. Kalau tidak, mengapa.
32. PR-1323-L63495
Datuk Nur Jazlan bin Mohamed [Pulai] minta **MENTERI PENGANGKUTAN** menyatakan dengan kerjasama Unit Perancang Ekonomi (EPU) jelaskan bilakah Kerajaan akan mula memperkenalkan caj Permit Kenderaan Kenderaan (VEP) dari Singapura ke Malaysia, berapa kadar VEP terbabit dan berapa yang akan disalurkan kepada Kerajaan Johor.
33. PR-1323-L64987
Datuk Madius Tangau [Tuaran] minta **PERDANA MENTERI** menyatakan bilakah laporan RCI mengenai Pendatang Asing Tanpa Izin di Sabah akan dibentangkan di Parlimen dan apakah penemuan utama RCI tersebut.
34. PR-1323-L63690
Dato' Mansor bin Othman [Nibong Tebal] minta **MENTERI PENDIDIKAN** menyatakan kenapa berlakunya pembocoran kertas peperiksaan Sains bagi ujian UPSR tahun ini dan perincian langkah- langkah yang bakal diambil untuk tangani isu pembocoran kertas soalan bagi peperiksaan utama yang sering dilaporkan berlaku kebelakangan ini.
35. PR-1323-L65118
Dato' Seri Abdul Hadi bin Awang [Marang] minta **PERDANA MENTERI** menyatakan apakah status terkini proses persempadanan semula kawasan pilihan raya sepertimana yang telah diumumkan oleh Kerajaan pada tahun lalu.

36. PR-1323-L63362
Datuk Johari bin Abdul Ghani [Titiwangsa] minta **PERDANA MENTERI** menyatakan pada Ogos 2011, YAB Perdana Menteri telah mengumumkan peruntukan Dana Mudah Cara sebanyak RM2 bilion untuk pelaksanaan projek sektor swasta oleh syarikat-syarikat Bumiputera yang berkelayakan. Berapakah jumlah permohonan yang telah diterima dan berapakah permohonan yang telah diluluskan serta jumlahnya.
37. PR-1323-L64649
Tuan Wong Ling Biu [Sarikei] minta **MENTERI KERJA RAYA** menyatakan setakat manakah proses peningkatan kualiti Pan-Borneo Highway yang telah dijalankan. Bilakah Kerajaan Pusat akan siap mempertingkatkan mutu Pan-Borneo Highway.
38. PR-1323-L63415
Tuan Wong Sze Phin @ Jimmy [Kota Kinabalu] minta **PERDANA MENTERI** menyatakan apakah rancangan Kerajaan bagi menyusun semula perkampungan setinggian di kawasan persisiran pantai Timur Sabah yang dianggap sebagai ancaman. Nyatakan bilangan dan nama kampung yang dikenal pasti serta bilangan orang, bangsa dan status warganegara dalam perkampungan setinggian tersebut.
39. PR-1323-L63603
Tuan Sim Tong Him [Kota Melaka] minta **MENTERI KESIHATAN** menyatakan tentang projek pembinaan Hospital Besar Baru Negeri Melaka:-
- (a) adakah cadangan pembinaan projek ini telah diluluskan. Jika ya, berikan lokasi dan jumlah kos projek ini; dan
 - (b) bilakah ia dapat dilaksanakan dan kemudahan-kemudahan dan perkhidmatan baru atau tambahan dapat dibekalkan selepas ia siap bina.
40. PR-1323-L64170
Puan Alice Lau Kiong Yieng [Lanang] minta **PERDANA MENTERI** menyatakan :-
- (a) berdasar kepada tinjauan atau kaji selidik dari mana Kerajaan boleh membuat kesimpulan bahawa purata pendapatan rakyat Malaysia adalah sebanyak RM5900.00 sebulan dan adakah ini termasuk peribumi dari negeri Sabah dan Sarawak; dan
 - (b) kadar kemiskinan di Malaysia dan cara untuk mengurangkan kadar kemiskinan agar mencapai sifar miskin menjelang 2020.
41. PR-1323-L63336
Dr. Azman bin Ismail [Kuala Kedah] minta **MENTERI PERTANIAN DAN INDUSTRI ASAS TANI** menyatakan setakat manakah kejayaan usaha-usaha Kementerian dalam memulihkan stok ikan negara.

42. PR-1323-L64539
Tuan Su Keong Siong [Ipoh Timor] minta **PERDANA MENTERI** menyatakan objektif, matlamat dan status program i-Cemerlang yang telah dilancarkan oleh Kerajaan. Nyatakan jumlah peruntukan yang telah dibelanjakan dan nama institusi dan/atau individu yang terlibat dalam program i-Cemerlang ini.
43. PR-1323-L64810
Tuan Gobind Singh Deo [Puchong] minta **MENTERI DALAM NEGERI** menyatakan apakah pendirian dan tindakan Kerajaan Malaysia berkenaan pertubuhan ISIS. Adakah Kerajaan sedar berkenaan bilangan rakyat Malaysia yang terlibat dan apakah tindakan yang akan diambil.
44. PR-1323-L64476
Tuan Ng Wei Aik [Tanjong] minta **PERDANA MENTERI** menyatakan negara-negara yang dikunjungi olehnya serta rombongannya selepas pesawat 9M-NAA meninggalkan Amsterdam pada 1 Ogos 2014 jam 10.08 pagi waktu tempatan. Apakah tujuan beliau mengunjungi Paris, Basel, Sardinia, Rome, London dan sebagainya. Siapakah yang terlibat dalam rombongan lawatan tersebut dan berapakah kos yang terlibat bagi siri kunjungan tersebut.
45. PR-1323-L64685
Tuan Wan Hasan bin Mohd Ramli [Dungun] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan jaminan kemudahan infrastruktur Majlis Perbandaran Dungun dari segi jalan raya, kesihatan, kebersihan, keselamatan, perparitan, perkhidmatan bomba, perumahan, keceriaan dan pemusatan jabatan kerajaan persekutuan.
46. PR-1323-L65145
Dato' Haji Mahfuz bin Omar [Pokok Sena] minta **MENTERI PENDIDIKAN** menyatakan punca kebocoran kertas soalan UPSR 2014 dan apakah langkah kawalan keselamatan serta kerahsiaan yang diambil sebelum ini untuk memastikan tiada kebocoran.
47. PR-1323-L64936
Datuk Haji Datu Nasrun bin Datu Mansur [Silam] minta **PERDANA MENTERI** menyatakan selepas penstrukturan ESSCOM adakah kerajaan melihat isu jenayah rentas sempadan dapat diatasi dan apakah kerjasama diantara Malaysia dan Filipina dalam mengatasi jenayah rentas sempadan ini.
48. PR-1323-L64885
Tuan Mohd Rafizi bin Ramli [Pandan] minta **MENTERI KEWANGAN** menyatakan berapakah jumlah yang telah dikutip balik daripada keseluruhan pinjaman RM250 juta yang telah diberikan bagi Projek National Feedlot Corporation (NFC) sehingga 30 September 2014.
49. PR-1323-L65067
Puan Teo Nie Ching [Kulai] minta **MENTERI DALAM NEGERI** menyatakan nasib seorang polis marin yang diculik di Pulau Mabul, Sabah pada bulan Julai.

50. PR-1323-L64583
Tan Sri Dato' Seri Abd Khalid bin Ibrahim [Bandar Tun Razak] minta **MENTERI KEWANGAN** menyatakan apakah pelan strategik yang dirangka oleh Kerajaan untuk mengelakkan satu siri pemberhentian kerja 6,000 kakitangan MAS serta sebilangan pekerja di RHB Capital, CIMB dan Malaysia Building Society Berhad (MBSB) akibat cadangan pergabungan mega ketiga-tiga bank tersebut dan langkah korporat di beberapa syarikat lain daripada menyebabkan kenaikan mendadak kadar pengangguran dan isu sosial ini.
51. PR-1323-L64152
Datuk Koh Nai Kwong [Alor Gajah] minta **MENTERI SUMBER MANUSIA** menyatakan statistik bilangan syarikat yang mengguna pakai sistem upah berkaitan produktiviti (PLWS) sejak 1996 dan keberkesanan sistem PLWS dalam meningkatkan produktiviti dan daya saing pekerja dalam syarikat-syarikat berikut. Apakah usaha Kementerian dalam meningkatkan kegunaan sistem PLWS oleh majikan di seluruh negara.
52. PR-1323-L64615
Dato' Shamsul Anuar bin Haji Nasarah [Lenggong] minta **MENTERI BELIA DAN SUKAN** menyatakan :-
- (a) program dan pendekatan baru yang Kementerian lakukan sehingga kini dalam menyelesaikan masalah sosial generasi muda dalam negara ini; dan
 - (b) kedudukan Program Parlimen Belia sehingga ini.
53. PR-1323-L64791
Tuan Ahmad Marzuk bin Shaary [Bachok] minta **PERDANA MENTERI** menyatakan apakah sebab pertukaran Setiausaha Dewan Negara dibuat secara tergesa-gesa dan menimbulkan kontroversi. Apakah usaha Kerajaan dalam memastikan setiap pertukaran dibuat secara lebih telus, bertanggungjawab dan dalam bentuk yang lebih menghargai jasa sumbangan pegawai-pegawai Kerajaan.

PADA PERMULAAN URUSAN MESYUARAT
MENGEMUKAKAN RANG UNDANG-UNDANG KERAJAAN
UNTUK BACAAN KALI YANG PERTAMA

1. **Menteri Kewangan**

- * Rang Undang-undang Penghasilan Bersih Perjanjian Kewangan 2014

2. **Menteri Kesihatan**

- * Rang Undang-undang Dadah Berbahaya (Pindaan) (No.2) 2014

*Menandakan bahawa Rang Undang-undang ini akan dibawa pada semua peringkat di mesyuarat ini.

ATURAN URUSAN MESYUARAT DAN USUL-USUL

1. **Menyambung Semula Pertimbangan ke atas Rang Undang-undang Perbekalan 2015 (D.R.15 /2014) dan Usul Anggaran Perbelanjaan Pembangunan 2015 seperti berikut:-**

“Bahawa Dewan ini, mengikut subseksyen 4(3) Akta Kumpulan Wang Pembangunan 1966 [Akta 406], membuat ketetapan iaitu suatu jumlah wang sebanyak tidak lebih dari lima puluh bilion empat ratus sembilan puluh sembilan juta sembilan ratus sembilan puluh empat ribu ringgit (RM 50,499,994,000) dibelanjakan daripada Kumpulan Wang Pembangunan bagi tahun 2015, dan bagi tujuan dan butiran perbelanjaan pembangunan yang dinyatakan di bawah Maksud Pembangunan atau (“P”) dalam senarai Anggaran Perbelanjaan Persekutuan 2015, yang dibentangkan sebagai Kertas Perintah 42 Tahun 2014, adalah diuntukkan di bawah Maksud-maksud yang berkenaan jumlah-jumlah yang bersempena dengan butiran-butiran itu di ruangan enam dan tujuh senarai tersebut.”

Dalam Jawatankuasa Sebuah-buah Majlis (25 November, 2014)

2. **Perdana Menteri** akan mencadangkan :-

Bahawa Dewan ini,

menyedari akan perlunya diberi penjelasan mengenai ancaman kumpulan militan Islamic State terhadap keselamatan negara kepada semua lapisan rakyat Malaysia;

menyedari akan perlunya bekerjasama dengan Pertubuhan Bangsa-Bangsa Bersatu dalam semua usaha menangani ancaman kumpulan militan Islamic State;

menyokong Kerajaan melaksanakan dasar-dasar dan usaha-usaha yang diperkenalkan menangani ancaman kumpulan militan Islamic State;

melulus dan merestui dasar-dasar dan usaha-usaha yang diperkenalkan oleh Kerajaan untuk menangani ancaman kumpulan militan Islamic State;

dalam meluluskan Kertas Putih “Ke Arah Menangani Ancaman Kumpulan Islamic State”, Dewan ini menyeru semua lapisan rakyat Malaysia mempergiatkan usaha dan komitmen mereka untuk bersama-sama menyokong Kerajaan menangani ancaman berkenaan.

3. (D.R 10/2014) Rang Undang-undang Penjara (Pindaan) (No.2) 2014 -
Menyambung semula Perbahasan atas masalah,
“Bahawa Rang Undang-undang ini dibacakan kali
yang kedua sekarang”
(9 Oktober, 2014)

[Menteri Dalam Negeri]

4. (D.R 19/2014) Rang Undang-undang Kewangan (No.2) 2014 **Bacaan Kali**
Yang Kedua

[Menteri Kewangan]

5. (D.R 16/2014) Rang Undang-undang Suruhanjaya “
Syarikat Malaysia (Pindaan) 2014

[Menteri Perdagangan Dalam Negeri,
Koperasi dan Kepenggunaan]

6. (D.R 17/2014) Rang Undang-undang Pendaftaran “
Perniagaan (Pindaan) 2014

[Menteri Perdagangan Dalam Negeri,
Koperasi dan Kepenggunaan]

7. (D.R 18/2014) Rang Undang-undang Perkongsian “
Liabiliti Terhad (Pindaan) 2014

[Menteri Perdagangan Dalam Negeri,
Koperasi dan Kepenggunaan]

- 8.. (D.R. 20/2014) Rang Undang-undang Pendaftaran “
Jurutera (Pindaan) 2014

[Menteri Kerja Raya]

9. (D.R. 21/2014) Rang Undang-undang Arkitek (Pindaan) “
2014

[Menteri Kerja Raya]

10. (D.R. 22/2014) Rang Undang-undang Juruukur Bahan “
(Pindaan) 2014

[Menteri Kerja Raya]

- | | | | | |
|-----|---------------|--------------------------------------------|----------|-------------------------------|
| 11. | (D.R 11/2014) | Rang Undang-undang Kewangan (Pindaan) 2014 | Tatacara | Bacaan Kali Yang Kedua |
|-----|---------------|--------------------------------------------|----------|-------------------------------|

[Menteri Kewangan]

- | | | | | |
|-----|---------------|---------------------------------------------------------------|--|---|
| 12. | (D.R 13/2014) | Rang Undang-undang Kumpulan Wang Amanah Negara (Pindaan) 2014 | | “ |
|-----|---------------|---------------------------------------------------------------|--|---|

[Menteri Kewangan]

- | | | | | |
|-----|---------------|-----------------------------------------------------|--|---|
| 13. | (D.R 12/2014) | Rang Undang-undang Wang Tak Dituntut (Pindaan) 2014 | | “ |
|-----|---------------|-----------------------------------------------------|--|---|

[Menteri Kewangan]

- | | | | | |
|-----|---------------|--------------------------------------------------------------------|--|---|
| 14. | (D.R 14/2014) | Rang Undang-undang Kumpulan Wang Pinjaman Perumahan (Pindaan) 2014 | | “ |
|-----|---------------|--------------------------------------------------------------------|--|---|

[Menteri Kewangan]

15. **Menteri Kewangan** akan mencadangkan:-

“Bahawa Dewan ini, mengikut peruntukan subperenggan 8(3)(a)(iv) Akta Tatacara Kewangan 1957 [Akta 61], mengambil ketetapan bersetuju supaya Kerajaan Malaysia melalui Menteri Kewangan (Diperbadankan), membuat pelaburan dengan menukarkan pinjaman Kerajaan Malaysia sebanyak RM400 juta kepada Malaysia Debt Ventures Berhad (MDV), sebuah syarikat yang dimiliki oleh Menteri Kewangan (Diperbadankan) kepada ekuiti bersamaan dengan Empat Ratus Juta (400,000,000) unit saham biasa pada nilai RM1 bagi satu unit saham”.

16. **Menteri Kewangan** akan mencadangkan:-

“Bahawa Dewan ini, mengikut peruntukan di bawah Seksyen 10(4)(a) Akta Tatacara Kewangan 1957, membuat ketetapan bersetuju supaya Jadual Kedua Akta tersebut dipinda dengan menambah kepadanya butiran baru seperti berikut:-

“Kumpulan Wang Amanah Tabung Konservasi Sumber Asli Nasional”

17. **Menteri Kewangan** akan mencadangkan:-

"Bahawa Dewan ini, mengikut peruntukan di bawah Seksyen 10(4)(a) Akta Tatacara Kewangan 1957, membuat ketetapan bersetuju supaya Jadual Kedua Akta tersebut dipinda dengan menambah kepadanya butiran baru seperti berikut:-

"Kumpulan Wang Amanah Fi Jaminan"

18. **Menteri Kewangan** akan mencadangkan:-

"Bahawa Dewan ini, mengikut peruntukan di bawah perenggan 10(4)(a) Akta Tatacara Kewangan 1957, membuat ketetapan bersetuju supaya menambah ke dalam jadual Kedua Akta tersebut kumpulan wang yang dikenali sebagai –

‘ Kumpulan Wang bagi Pembayaran Balik Cukai Barang dan Perkhidmatan’ “

19. **Menteri Kewangan** akan mencadangkan:-

"Bahawa Dewan ini, mengikut peruntukan subperenggan 8(3)(a)(iv) Akta Tatacara Kewangan 1957 [Akta 61], membuat ketetapan bersetuju supaya Kerajaan Malaysia melalui Menteri Kewangan (Diperbadankan) membuat pelaburan dengan menukar baki pinjaman Kerajaan Malaysia sebanyak RM475.59 juta kepada Prasarana Malaysia Berhad, sebuah syarikat dimiliki sepenuhnya oleh Menteri Kewangan (Diperbadankan), kepada ekuiti dalam Prasarana Malaysia Berhad bersamaan dengan Empat Ratus Tujuh Puluh Lima Juta Lima Ratus Sembilan Puluh Ribu (475,590,000) unit saham biasa pada nilai RM1 bagi satu unit saham."

20. **Menteri Kewangan** akan mencadangkan:-

"Bahawa Majlis ini mengambil ketetapan iaitu menurut kuasa yang diletakkan padanya oleh Subseksyen 20(2), Subseksyen 10(3), Subseksyen 160(2), Subseksyen 56(2), Subseksyen 17(5) dan 18(3) Akta Cukai Barang dan Perkhidmatan supaya Perintah Cukai Barang dan Perkhidmatan yang dibentangkan di hadapan Majlis ini sebagai kertas statut bil.ST.71, ST.72, ST.73, ST.86 , ST.87, ST.88 dan ST.152 tahun 2014 disahkan".

21. PR-1323-U63530

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, ketiadaan "Standby Generator" di Klinik Kesihatan Putatan telah menimbulkan banyak kerumitan kepada pengguna dan pengendali Klinik Kesihatan Putatan. Dan mengambil maklum juga, bahawa dengan kekerapan gangguan bekalan elektrik yang dihadapi oleh Negeri sabah pada ketika ini, ada kalanya klinik tersebut tidak dapat berfungsi sehingga beberapa jam sehari dan dikhuatiri akan mendatangkan kemudaratan dalam kes kecemasan.

Dan mengambil maklum juga bahawa, para pengguna Klinik Kesihatan Putatan bukan sahaja yang datang daripada daerah Putatan tetapi juga dari kawasan berdekatan seperti Tanjung Aru, Kepyayan, Petagas dan Kinarut. Dan mengambil maklum juga bahawa, selain keadaan gelap gelita dan kelam kabut ketika berlaku gangguan bekalan elektrik, ianya juga membuatkan rakyat mula merungut tentang mutu perkhidmatan kesihatan yang disediakan oleh pihak Kementerian. Maka, bagi mengatasi masalah, Dewan ini hendaklah mengambil ketetapan bahawa, pihak Kementerian hendaklah memasang "Standby Generator Set" bagi Klinik Kesihatan Putatan."

[Kementerian Kesihatan]

22. PR-1323-U63531

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, gangguan bekalan elektrik di negeri Sabah kian menjadi-jadi di mana dikatakan daripada tahap teruk kepada tahap parah". Dan mengambil maklum juga, bahawa setiap kali gangguan bekalan elektrik berlaku, terdapat banyak rungutan dari kalangan rakyat mengenai dengan kerugian daripada segi produktiviti, hasil dan juga kerosakan harta benda. Dan mengambil maklum juga bahawa setiap gangguan bekalan elektrik berlaku, wakil rakyat akan diburu dan dipersalahkan.

Dan mengambil maklum juga bahawa, kenyataan demi kenyataan oleh pihak berwajib bahawa gangguan bekalan elektrik di negeri Sabah akan dapat diatasi tetapi sehingga kini gangguan bekalan elektrik tetap berlaku malah semakin kerap. Maka, demi untuk kesejahteraan rakyat, Dewan ini hendaklah mengambil ketetapan bahawa, pihak Kementerian mengambil satu tindakan yang drastik jangka pendek dan jangka panjang bagi mengatasi masalah gangguan bekalan elektrik di negeri Sabah. "

[Kementerian Tenaga, Teknologi Hijau dan Air]

23. PR-1323-U63540

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, sejak akhir-akhir ini, terdapat banyak seruan untuk membawa negeri Sabah dan Sarawak keluar daripada Persekutuan Malaysia. Dan mengambil maklum juga, bahawa seruan ini adalah kononya berikutan dengan ketidakpuasan hati segelintir rakyat di kedua-dua negeri ini mengenai dengan isu-isu seperti royalti minyak, tarikh kemerdekaan, pengagihan dana pembangunan serta status ekonomi Bumiputera Negeri Sabah dan Sarawak.

Dan mengambil maklum juga bahawa, dalam kes negeri Sabah, Isu Pembentangan Laporan Suruhanjaya Siasatan Diraja mengenai pendatang asing tanpa izin yang dikatakan dilengah-lengahkan serta kebanjiran pendatang asing tanpa izin ke negeri Sabah yang dikatakan telah menggugat keselamatan negara, telah memburukkan lagi keadaan. Dan juga mengambil maklum bahawa, sentimen Anti-Persekutuan dan sentimen Anti Sabah dan Sarawak yang dimainkan oleh segelintir pihak kini kian merebak dengan serius dan, ini kalau tidak ditangani dengan kadar segera akan menyebabkan kacau bilau dan menggugat keharmonian negara. Serta mengambil maklum juga bahawa, terdapat juga kenyataan-kenyataan pemimpin Kerajaan, NGO dan orang perseorangan yang dianggap kurang sensitif kepada perasaan penduduk negeri Sabah dan Sarawak. Maka, bagi menangani masalah ini, Dewan ini hendaklah mengambil ketetapan bahawa, Kerajaan hendaklah mengambil tindakan tegas kepada mereka yang bertanggungjawab, sama ada dari pihak awam, NGO, pemimpin Kerajaan dan pembangkang agar sentimen Anti-Persekutuan serta anti Sabah dan Sarawak dapat dibendung. Kerajaan juga hendaklah bertindak untuk menutup mana-mana laman sosial yang telah dibuktikan terlibat dalam gejala ini."

[Kementerian Dalam Negeri]

24. PR-1323-U63554

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, kemalangan yang melibatkan maut terutama sekali kenderaan awam kian meningkat kerana disebabkan oleh pemanduan laju. Dan mengambil maklum juga, bahawa kadar kemalangan ini meningkat terutama sekali dalam musim perayaan di mana para pengusaha dan pemandu kenderaan pengangkutan awam cuba memaksimumkan keuntungan dengan tanpa menghiraukan keselamatan penumpang. Dan mengambil maklum juga bahawa, pihak berkuasa seperti Suruhanjaya Pengangkutan Awam Darat, Jabatan Pengangkutan Jalan dan Polis Diraja Malaysia menghadapi kekangan kekurangan tenaga anggota serta jarak untuk menguatkuasakan had laju.

Dan mengambil maklum juga bahawa, kuasa pengguna (penumpang) kenderaan pengangkutan awam boleh membantu pihak berkuasa untuk menentukan had laju kenderaan yang mereka tumpang dengan menegur pemandu tersebut apabila mereka melepasi had laju yang dibenarkan. Dan mengambil maklum juga bahawa pemasangan meter kelajuan kedua serta alat penggera di dalam kenderaan pengangkutan awam akan membolehkan para penumpang menyedari bahawa kenderaan yang mereka naiki telah melepasi had laju yang dibenarkan dan sekali gus menegur si pemandu tadi dan ini dapat mengelakkan kemalangan daripada berlaku. Maka, bagi menangani masalah kemalangan yang disebabkan oleh pemanduan laju, dewan ini hendaklah mengambil ketetapan bahawa, semua kenderaan pengangkutan awam hendaklah dipasang dengan meter kelajuan kedua dan alat penggera. "

[Perdana Menteri]

25. PR-1323-U63967

Tuan M. Kulasegaran [Ipoh Barat] akan mencadangkan:-

"Bahawa Dewan ini mengambil maklum bahawa Kerajaan telah gagal untuk perhatin terhadap situasi pemerdagangan manusia dan mengambil tindakan dalam kes-kes pemerdagangan manusia sehingga Malaysia telah turun gred sehingga ke Tahap 3 (Tier 3) seperti yang dilaporkan oleh Kerajaan Amerika Syarikat dalam Laporan Pemerdagangan Orang 2014 (Trafficking in Persons Report 2014). Dalam keadaan ini Dewan ini mengarah Perdana Menteri mengambil tindakan untuk mengatasi masalah ini dengan segera."

[Kementerian Dalam Negeri]

26. PR-1323-U64509

Dr. Tan Seng Giaw [Kepong] akan mencadangkan:-

"Bahawa Dewan ini membahaskan dasar dan langkah untuk mencegah ekstremisme di Malaysia. "

[Kementerian Dalam Negeri]

27. PR-1323-U64511

Dr. Tan Seng Giaw [Kepong] akan mencadangkan:-

"Bahawa Dewan ini membincangkan dasar perubahan iklim."

[Kementerian Sumber Asli dan Alam Sekitar]

28. PR-1323-U65224

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mempertimbangkan cadangan untuk kes kematian di bawah tahanan Polis Di Raja Malaysia, keluarga si mati diberi kebenaran sepenuhnya untuk memperoleh Pakar Perubatan Forensik sendiri bagi mewakili pihak keluarga si mati semasa bedah siasat dijalankan"

[Kementerian Dalam Negeri]

29. PR-1323-U65226

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mendesak agar pendidikan agama diperkenalkan di sekolah kepada pelajar bukan Islam sebagai langkah untuk menerapkan nilai-nilai murni dan keagamaan di kalangan pelajar bukan Islam bagi menangani gejala sosial yang kian meningkat dan berleluasa akibat daripada kegagalan sistem pendidikan di Malaysia."

[Kementerian Pendidikan]

**RISALAT-RISALAT YANG DIBAWA KE DALAM MESYUARAT
(DEWAN RAKYAT)**

<u>TAHUN 2014</u>	<u>RISALAT/DOKUMEN</u>	<u>TARIKH DIBENTANGKAN</u>
CMD.76	Kertas Putih Ke Arah Menangani Ancaman Kumpulan Militan Islamic State	25 November 2014
DR.11	Laporan Jawatankuasa Kira-Kira Wang Negara Parlimen Ketiga Belas – Projek Pembinaan Kuala Lumpur International Airport 2 (KLIA 2) Kementerian Pengangkutan	25 November 2014
ST.64	AKTA PENCEGAHAN JENAYAH 1959 Peraturan-Peraturan Pencegahan Jenayah (Tatacara Lembaga Penasihat) 2014	25 November 2014
ST.65	AKTA PENCEGAHAN JENAYAH 1959 Peraturan-Peraturan Pencegahan Jenayah (Orang Tahanan) 2014	25 November 2014
ST.67	AKTA JALAN PERSEKUTUAN 1959 Perintah Jalan Persekutuan (Lebuhraya KL-Kuala Selangor) (Pindaan) 2014	25 November 2014
ST.71	AKTA CUKAI BARANG DAN PERKHIDMATAN 2014 Perintah Cukai Barang Dan Perkhidmatan (Amaun Pembekalan Bercukai) 2014	25 November 2014
ST.72	AKTA CUKAI BARANG DAN PERKHIDMATAN 2014 Perintah Cukai Barang Dan Perkhidmatan (Kadar Cukai) 2014	25 November 2014
ST.73	AKTA CUKAI BARANG DAN PERKHIDMATAN 2014 Perintah Cukai Barang Dan Perkhidmatan (Pengenaaan Cukai Bagi Pembekalan Berkenaan Dengan Kawasan Ditetapkan) 2014	25 November 2014
ST.74	AKTA CUKAI PENDAPATAN 1967 DAN AKTA PETROLEUM (CUKAI PENDAPATAN) 1967 Perintah Pelepasan Cukai Dua Kali (Kerajaan Republik Poland) 1967	25 November 2014

ST.76	AKTA JALAN PERSEKUTUAN 1959 Perintah Jalan Persekutuan (Malaysia Barat) (Pindaan) (No. 7) 2014	25 November 2014
ST.80	AKTA JALAN PERSEKUTUAN 1959 Perintah Jalan Persekutuan (Malaysia Barat) (Pindaan) (No. 8) 2014	25 November 2014
ST.86	AKTA CUKAI BARANG DAN PERKHIDMATAN 2014 Perintah Cukai Barang dan Perkhidmatan (Pembekalan Dikecualikan) 2014	25 November 2014
ST.87	AKTA CUKAI BARANG DAN PERKHIDMATAN 2014 Perintah Cukai Barang dan Perkhidmatan (Pembekalan Berkadar Sifar) 2014	25 November 2014
ST.88	AKTA CUKAI BARANG DAN PERKHIDMATAN 2014 Perintah Cukai Barang dan Perkhidmatan (Pelepasan) 2014	25 November 2014
ST.93	AKTA JALAN PERSEKUTUAN 1959 Perintah Jalan Persekutuan (Malaysia Barat) (Pindaan) (No. 9) 2014	25 November 2014
ST.110	Laporan Tahunan Dan Penyata Kewangan Perbadanan PR1MA Malaysia Bagi Tahun 2013	25 November 2014
ST.112	Laporan Tahunan Dan Penyata Kewangan Lembaga Jurukur Tanah Bagi Tahun 2013	25 November 2014
ST.117	Laporan Tahunan dan Penyata Kewangan Perbadanan Harta Intelek Malaysia (MyIPO) Bagi Tahun 2013	25 November 2014
ST.121	Laporan Tahunan dan Penyata Kewangan Lembaga Kemajuan Terengganu Tengah (KETENGAH) Bagi Tahun 2013	25 November 2014
ST.122	Laporan Tahunan dan Penyata Kewangan Lembaga Kemajuan Johor Tenggara (KEJORA) Bagi Tahun 2013	25 November 2014
ST.123	Laporan Tahunan dan Penyata Kewangan Lembaga Kemajuan Wilayah Kedah (KEDA) Bagi Tahun 2013	25 November 2014

ST.124	Laporan Tahunan dan Penyata Kewangan Lembaga Kemajuan Kelantan Selatan (KESEDAR) Bagi Tahun 2013	25 November 2014
ST.151	Laporan Tahunan Dan Penyata Kewangan Lembaga Penyelidikan Dan Pembangunan Perhutanan Malaysia (LPPPM) Bagi Tahun 2013	25 November 2014
ST.152	AKTA CUKAI BARANG DAN PERKHIDMATAN 2014 Perintah Cukai Barang dan Perkhidmatan (Penaan Cukai Bagi Pembekalan Berkenaan Dengan Kawasan Ditetapkan) (Pindaan) 2014	25 November 2014
ST.155	Laporan Tahunan Dan Penyata Kewangan Perbadanan Produktiviti Malaysia (MPC) Bagi Tahun 2013	25 November 2014
ST.161	Laporan Tahunan Dan Penyata Kewangan Perbadanan Pengurusan Sisa Pepejal Dan Pembersihan Awam (PPSPPA) Bagi Tahun 2013	25 November 2014
ST.177	Laporan Tahunan dan Penyata Kewangan Suruhanjaya Komunikasi Dan Multimedia Malaysia Bagi Tahun 2012	25 November 2014